

Na osnovu člana 25. Statuta Općine Stari Grad Sarajevo-Prečišćeni tekst ("Službene novine Kantona Sarajevo"; broj 20/13) i Projekta "Proizvodnja u plastenicima" na području Općine Stari Grad sa ciljem podsticaja poljoprivredne proizvodnje, Općinsko vijeće Stari Grad Sarajevo, na sjednici održanoj .....2014. godine donijelo je :

(NACRT)

## **ODLUKU**

### **o utvrđivanju uslova i postupka za ostvarivanje prava učešća građana u dodjeli plastenika na području Općine Stari Grad**

#### **I**

Ovom Odlukom utvrđuju se uslovi i postupak za ostvarivanje prava učešća građana sa područja Općine Stari Grad Sarajevo, u projektu "Proizvodnja u plastenicima". ( u daljem tekstu Projekat ).

#### **II**

Pravo na učešće u Projektu ima fizičko lice ( u daljem tekstu : kandidat ), koje ispunjava uslove propisane ovom Odlukom, čije je mjesto prebivališta i zemljište na području Općine Stari Grad.

#### **III**

**Uslovi za ostvarivanje prava učešća kandidata u Projektu – dodjela plastenika su :**

#### **Opći uslovi :**

1. Da podnosilac zahtjeva ima mjesto prebivališta i da posjeduje minimum 500 m<sup>2</sup> zemljišta na području Općine Stari Grad.
2. Zakonski korisnik zemljišta (vlasnik, suvlasnik, nosilac prava korišćenja i slično).
3. Da zemljište pripada poljoprivrednom gazdinstvu odnosno da je na imanju gdje podnosilac zahtjeva stanuje.
4. Broj članova domaćinstva i da u okviru domaćinstva žive minimum dva radno sposobna člana.

#### **Posebni uslovi:**

1. Demobilisani borac – nezaposlen
2. Demobilisani borac – penzioner
3. Demobilisani borac – nerješen radni status ( lica na čekanju )

#### **Dodatni uslovi :**

I. Pripadnost jednoj od navedenih kategorija podnosioca zahtjeva i člana domaćinstva:

1. Priznat status RVI podnosioca zahtjeva
2. Porodica šehida
3. Dokaz o nezaposlenosti svakog punoljetnog člana porodičnog domaćinstva
4. Dokaz o dodatnom boračkom statusu, statusu RVI i statusu civilne žrtve rata člana porodičnog domaćinstva.

## II. Pogodnost zemljišta

1. Da je površina zemljišta gdje će se postaviti platenik ravna ili veoma blagog nagiba,
2. Da zemljište nije vlažno, odnosno sklono zabarivanju,
3. Da nije u blizini objekata koji bi mogli stvarati sjenu na platenik,
4. Da je zemljište udaljeno od glavnih saobraćajnica minimum 100 m,
5. Da je u neposrednoj blizini izvorišta vode ili vodovodne mreže.
6. Izjava da u ranijem periodu nije ostvareno pravo na donaciju - platenik (uslove od tačke 1.do 6. utvrđuje Komisija za dodjelu platenika uviđajem na licu mjesta)

Svaki navedeni uslov bodovaće se prema posebnom aktu koji će utvrditi Komisija za dodjelu platenika. U slučaju da prijavljeni kandidati pri bodovanju imaju isti broj bodova, prednost će imati onaj kandidat čiji je porodični standard niži.

## IV

Uz zahtjev za dodjelu platenika potrebno je priložiti dokaze o ispunjavanju općih, posebnih i dodatnih uslova navedenih u članu III ove Odluke. Dodatne uslove ( pogodnost zemljišta ) navedene u članu III ove Odluke utvrđivat će Komisija za dodjelu platenika na licu mjesta. Prijave na Javni poziv podnose se predajom na šalter protokola u zgradi Općine Stari Grad. Zahtjevi podneseni sa nepotpunom dokumentacijom i podneseni mimo utvrđenog roka neće se uzimati u razmatranje.

## V

Kandidati koji su u prethodne godine podnijeli zahtjev za dodjelu platenika bit će uzeti u razmatranje, s tim da su u obavezi podnijeti novi zahtjev na šalter protokola Općine, uz koji će priložiti dokaz o nezaposlenosti, dokaz o nezaposlenosti svakog punoljetnog člana porodičnog domaćinstva, ček od penzije ukoliko je podnosioc zahtjeva penzioner, potvrdu preduzeća za lica koja imaju nerješen status ( lica na čekanju ) i dokaz o ukupnim primanjima domaćinstva.

## VI

Postupak za ostvarivanje prava učešća građana u Projektu provodi Komisija za dodjelu platenika koju imenuje Načelnik Općine Stari Grad.

## VII

Odluku o izboru domaćinstava i lokacija za postavljanje platenika donosi Općinsko vijeće Stari Grad Sarajevo na osnovu prijedloga Načelnika Općine Stari Grad i Komisije za dodjelu platenika.

## VIII

Rok za podnošenje prijave na Javni poziv je 15 dana od dana njegovog objavljivanja. Za realizaciju ove Odluke zadužuje se Služba za privredu.

## IX

Ova Odluka stupa na snagu danom objavljivanja na oglasnoj ploči Općine Stari Grad Sarajevo, a biće objavljena u " Službenim novinama Kantona Sarajevo".

**Broj:02-  
oktobar 2014.godine  
Stari Grad Sarajevo**

**PREDSJEDAVAJUĆI OPĆINSKOG VIJEĆA  
STARI GRAD SARAJEVO**

**Vedran Dodik dipl.pravnik**

## **O B R A Z L O Ź E N J E**

### **I. PRAVNI OSNOV**

Pravni osnovu za donošenje ove Odluke sadržan je u članu 25. Statuta Općine Stari Grad Sarajevo – prečišćeni tekst ("Službene novine Kantona Srajevo" broj 20/13).

Općina Stari Grad smatra svojim prioritarnim zadatkom da sve svoje aktivnosti usmjeri ka zaustavljanju ekonomske stagnacije i recesije, aktivnosti na smanjenju visokog stepena nezaposlenosti radno sposobnog stanovništva, odnosno ubrzanog ekonomskog razvoja i oporavka. Planirano je aktivnije uključivanje u stimulisanje i motivisanje nezaposlenih osoba kroz otvaranje vlastite proizvodnje i organizovanijeg plasmana proizvoda. Stimulisanje je usmjereno skoro na sve grane poljoprivredne proizvodnje kroz nabavku repromaterijala i učešće u troškovima procesa proizvodnje. Poštujući stručne savjete uzgoja poljoprivrednih kultura u Projektima se obavezno uključuju klimatski faktori.

### **II. RAZLOZI DONOŠENJA**

Specifični uslovi naše lokalne zajednice u kojima se obavlja poljoprivredna proizvodnja (usitnjenost posjeda, navike ljudi i dr.), mali broj poljoprivrednih proizvođača ostvaruje novčane podrške prema Programima poticajnih mjera viših nivoa vlasti. Iz pomenutog razloga se u okviru Općinskog budžeta planiraju sredstva za novčane podrške poljoprivrednim proizvođačima .

U okviru budžetskih sredstava izdvaja se određeni iznos za stimulaciju i razvoj poljoprivredne proizvodnje na području Općine Stari Grad. U tom cilju se nastavlja sa iznalaženjem novih mogućnosti pokretanja različitih programa mini proizvodnje koji bi u konačnici rezultirali raznovrsnošću ponude, povećanjem vlastite proizvodnje hrane i dodatnim zapošljavanjem ljudi.

Na taj način namjera Općine Stari Grad jeste da se ekonomska moć građana ojača kako onih kojima bi to bilo dopunsko zanimanje, tako i onih koji se određenom proizvodnjom namjeravaju ozbiljnije baviti.

Općina Stari Grad stimuliše poljoprivredne proizvođača u oblasti plasteničke proizvodnje koja se odnosi na montažu i postavljanje plastenika sa svom dodatnom opremom koja je neophodna u tehnologiji proizvodnje. Poljoprivredne proizvođače u ovoj grani proizvodnje Općina stimuliše i kroz nabavku sadnog materijala osnovnih kultura plasteničke proizvodnje koje predstavljaju najveću stavku u troškovima ove proizvodnje

Proizvodnja hrane u plastenicima je jedan od najintenzivnijih načina biljne proizvodnje. Ima specifičan komercijalni značaj, jer se dobivaju poljoprivredni proizvodi kada to nije moguće na otvorenim prostorima. Praksa je pokazala da se sa površine aktivno korištenog zaštićenog prostora površine 400 m<sup>2</sup> može osigurati egzistencija jednoj četveročlanoj porodici.

Za dobar kvalitet objekta obavezno je pridržavati se tačno određenih tehničkih karakteristika plastenika i zemljišnog potencijala koju eventualni korisnici istih posjeduju.

### **STRUČNA OBRADA**

Služba za privredu

**PREDLAGAČ**  
**NAČELNIK OPĆINE**  
Mr. Ibrahim Hadžibajrić, s.r.